

皇
清
經
解

金

清

經

解

皇清經解卷八白墨全三

曾子目錄

曾子立事第一

元案曾子曰省其身者也此篇所言皆脩身之事宋高氏似孫王氏應麟所據篇目

皆爲脩身今本作立事者大戴本與高王所見本不同也茲仍大戴舊題又大戴十篇皆冠以曾子者戴氏取曾子之書入于雜記之中識之以別于他篇也今以大戴所收曾子爲據故標題仍冠曾子二字

曾子本孝第二

曾子立孝第三

曾子大孝第四

曾子事父母第五

曾子制言上第六

曾子制言中第七

曾子制言下第八

曾子疾病第九

曾子天員第十五

曾子大孝第四

曾子立事第三

曾子本孝第二

大戴禮記曾子立事篇第十二字

大戴禮記曾子立事篇第十二字

大戴禮記曾子立事篇第十二字

大戴禮記曾子立事篇第十二字

大戴禮記曾子立事篇第十二字

大戴禮記曾子立事篇第十二字

曾子立事篇

皇清經解卷八

學海堂

曾子注釋

儀徵阮宮保元著

曾子立事注曾子孔子弟子名參字子與許慎讀森若

曾參之參晉灼讀參爲宋昌參乘之參音近義同曾子

魯南武城人少孔子四十六歲孔子以爲能通孝道故

授之業作孝經立事者曾子弟子所題篇名此篇皆論

博學篤行慎言遠患善義忠信事君父敬師長交朋友

教子弟之事不爲空言高論惟以實事立訓故曰立事

大戴禮記第四十九今爲曾子第一

釋曰高似孫子思王應麟漢書藝文

志考證並引曾子首篇作修身與今異者大戴篇目與古單行曾子本不同也說文森字讀若曾參之參所林

反晉灼又讀爲參乘之參初三反者古音相近不假分別所林初三二反皆取三人同與之義參星亦以三星

相連得名晉灼所讀見高氏子畧武城有二南武城在今山東嘉祥縣之南徒言武城則在今山東費縣西南孟子所言曾子居武城乃費縣也史記所言曾子南武城人乃嘉祥也今曾子後裔列四氏學襲博士者皆居嘉祥祠廟亦在嘉祥作孝經見史記

曾子曰君子攻其惡注孔子曰攻其惡無攻人之惡求其過注

盧僕射辨云省其身彊其所不能去私欲從事於義可謂學矣

注不能者難學之事彊勉彊也去私欲從義公也故學無私黨

不是其所能攻所不能

釋曰大戴官人篇曰彊其所不足

君子愛日以學及時

以行注孔檢討廣森云學如不及唯日不足元謂及時及少壯

時也

釋曰馬總意林作及時而成知少壯時者本篇云三十四十之間而無彊則無彊矣五十而不以善聞則無聞矣

難者弗辟易者弗從唯義所在注學者患求高名而畏避難能

之事故君子苟知義之所在雖難必勉強行之若事易行而可

立虛名者君子不為也

釋曰孔檢討云辟音避元案文瀾閣本作難者勿辟

日旦就業

注曲禮曰所習必有業

釋曰文選閒居賦注引此二句無日字羣書治要且作且今不從

夕而

自省**注**省察也會子曰吾日三省吾身國語曰士朝而受業晝

而講貫夕而習復夜而計過無憾而後即安

釋曰省訓本爾雅

思以歿

其身亦可謂守業矣**注**思將終身行之若子路終身誦之是也

釋曰聚珍板訛業為義

君子學必由其業問必以其序問而不決承閒觀

色而復之雖不說亦不彊爭也**注**曲禮曰請業則起曾子問王

言孔子不應曾子懼肅然摳衣下席曰弟子知其不孫也得夫

子之閒也難是以敢問也孔子不應曾子懼退負序而立孔子

日參汝可語明王之道與曾子曰不敢以為足也得夫子之閒

也難是以敢問此承閒復問之義也

釋曰王言見大戴記首篇

君子既學之

患其不博也注博大通也孔門論學首在於博孔子曰君子博學於文約之以禮達巷黨人以博學深美孔子孔子又曰博學之審問之顏子曰夫子循循然善誘人博我以文約我以禮子夏曰博學而篤志孟子曰博學而詳說之故先王遺文有一未學非博也曾子博學罕可見知然如今儀禮十七篇儒者已苦難讀曾子時禮經在魯篇弟必十倍於今而曾子問一篇皆窮極變禮非曾子不能問非孔子不能答然則正禮無不學習可知此博學可窺之一端故聖賢之學不避難以就易不避實以蹈虛故顏曾文學之博同於游夏但不以此成名與孔子同故曾子聰明睿智惟孔子可稱爲魯

釋曰博訓本許氏說文

既博之患其不

習也

注曾子自省曰傳不習乎孔子曰學而時習之學記曰視

博習既習之患其不知也既知之患其不能行也既能行之患

其不能以讓也注盧僕射云貴不以己能而競於人釋曰周髀算經陳子

曰夫道術所以難通者既學矣患其不博既博矣患其不習既習矣患其不能知說苑說義篇曰君子博學患其不習既習之

患其不能行之既能行之患其不能以讓也日本國唐魏徵羣書治要引曾子作既習之患其不知也今從之今各本皆作無

知也羣書治要又作既能行之患其不能以讓也此唐初古本今亦從之今本皆作貴其能讓也君子之學致

此五者而已矣注致致密也釋曰致訓本禮器鄭氏注君子博學而孱守之

注孱迨也會子美顏子曰以能問於不能以多問於寡有若無

實若虛孟子曰曾子守約釋曰說文孱迨也迨小乃博之反若

云大戴淺作孱微言而篤行之注篤厚也孔子曰篤行之爾雅孔子曰

篤行之本中庸徐幹中論貴驗篇行欲先人言欲後人注盧僕射云君子欲訥於言而敏於行釋曰羣書治要作兩欲

射云君子欲訥於言而敏於行字今本皆作兩必字君子終

身守此怛怛注怛怛不安也釋曰怛訓本說文行無求數有

名事無求數有成注盧僕射云數猶促速元謂行無避難急名

之心不求促速而自有名事無徇私欲速之心不求促速而自

有成孔子曰無欲速欲速則不達曾子曰君子功先成而名隨

之釋曰曾子言見說苑雜言篇身言之後人揚之身行之後人秉之注揚之

謂揚其名孝經曰立身行道揚名於後世以顯父母秉執也秉

之謂執其成詩曰誰秉國成孝經曰君子言思可道行思可樂

德義可尊作事可法釋曰秉訓本爾雅君子終身守此憚憚注憚憚勞

心也釋曰憚與怛通詩齊風曰勞心憚憚下有也字君子不絕小不殄微也注

微幽也盧僕射曰殄亦絕也元謂人有小學微善皆知而稱之

釋曰爾雅幽微也行自微也不微人人知之則願也注微匿也善行可

東故願人知釋曰爾雅微匿也人不知苟吾自知也注孔檢討云屈臣

曰不吾知其亦已今苟余情其信芳元謂孔子曰人不知而不

愠又曰不病人人之不己知也君子終身守此勿勿也注盧僕射

云勿勿猶勉勉釋曰禮記祭義勿勿乎鄭注云勿勿猶勉勉也詩邶風黽勉同心韓詩作密勿同心詩十月之

交黽勉從事漢書劉向傳引作密勿從事勉勿通也說文勿以

趣民故遽稱勿勿是黽勉趣遽同有勿勿之義制言中篇曰無

勿勿於賤與此義不相背而適相成也君子禍之爲患辱之爲畏見善恐不得與

焉見不善者恐其及已也注與及也孔子曰見善如不及見不

善如探湯釋曰與訓本儀禮士昏禮鄭氏注孔檢討云與音豫

善訓惡以惡訓不善等第混淆盧氏已開其端是故君子疑以終身注疑禍辱及身善

不得與不善及已君子見利思辱見惡思詬注恐爲人所辱詬

也詬罵也釋曰羣書治要惡作難今不從詬訓爲罵者左嗜欲

皇清經解卷八

思恥忿怒思患注徇嗜欲者必得恥縱忿怒者必及患孔子曰

一朝之忿忘其身以及其親君子終身守此戰戰也注戰戰恐

也曾子誦詩曰戰戰兢兢如臨深淵如履薄冰釋曰戰戰訓本毛傳君子

慮勝氣注以思慮勝其血氣也盧僕射云君子有三戒思而後

動論而後行行必思言之注行此事必可以言之於世言之必

思復之注盧僕射云論語曰信近於義言可復也元謂太叔文

子曰君子之行思其終也思其復也思復謂思覆行之絕無偏

敝釋曰文子語見左襄二十五年覆訓見論語孔注思復之必思無悔言注覆行若有

偏敝則悔其前言矣亦可謂慎矣注緇衣孔子曰故言必慮其

所終而行必稽其所敝則民謹於言而慎於行詩云慎爾出話

敬爾威儀人信其言從之以行人信其行從之以復注從之復

行無偏敝復宜其類注宜讀若詩宜爾子孫宜其家人類謂朋

類卽信言行之人孝經引詩曰孝子不匱永錫爾類類宜其年

注年謂久遠可行也孝經曰非先王之法言不敢道非先王之

德行不敢行先王言行傳今久矣君子言行信今傳後亦如之

釋曰閣本年作言案盧注此引詩樂只君子萬壽無期則周時盧所見本是年字閣本誤也亦可謂外內

合矣注行內言外孔子曰君子言顧行行顧言君子疑則不言

未問則不言注疑者闕之故孔子曰吾猶及史之闕文也多聞

闕疑慎言其餘則寡尤未問不言者孔子曰不憤不啟不悱不

發釋曰荀子大畧篇襲此訛作未問則不立兩問則不行其難者注善問者如攻堅

木先其易者後其節目善待問者如撞鐘叩之以小者則小鳴

叩以大者則大鳴故待問者如有兩問亦不先以難者彊之

行釋曰攻木撞鐘二義本禮記學記君子患難除之財色遠之流言滅之注流

者無根源之謂若管叔流言於國釋曰無根源義本荀子致仕篇流言流說流事流謀流譽

揚倧注禍之所由生自熾熾也是故君子夙絕之注熾銳細也孔

檢討云夙早也金人之銘曰涓涓不壅終爲江河豪末不札將

尋斧柯釋曰熾訓本說文漢書食貨志曰古之治天下至熾至

生也生且熾熾也是故君子已善亦樂人之善也已能亦樂人

之能也注秦誓所謂人之有技若己有之反是則媚嫉以惡己

雖不能亦不以援人注援引也已雖不能望人能之反是則引

人同入於不能忌人之長恐形己短釋曰援訓本說文君子好人之爲

善而弗趣也注盧僕射曰不促速之元謂恐其畏難反退故曰

優而柔之使自求之釋曰優柔二句本大戴記入官篇羣書治要趣作趨惡人之爲不善

而弗疾也注孔子曰人而不仁疾之已甚亂也故顯加人以小

人之名又不能退退而不能遠徒疾之太甚者必激為亂釋曰後漢

書郭太傳注引鄭君康成論語注曰不仁之人當以風化之若疾之已甚是益使為亂也案此有鑒於漢末黨禍為言唐宋明

之禍同之疾其過而不補也注疾其過者君子自病其過也王編修

引之云補讀為遂遂古文補字形相近之訛也賈誼過秦論曰

始皇遂過而不變釋曰盧注云補謂改也此語與下補則不改矣相背且以疾其過之其字屬人不屬己則

此意又與上惡人之為不善而弗疾也相背又此句而字為反轉與下句而不伐也而字例同故元謂此二句乃君子自治之

力與篇首君子改其惡求其過二其字屬君子已身而言之例同朱學士鈞謂補猶文也此訓無據王說較確補字說文古文

飾其美而不伐也注檀弓曾子有盡飾之道禮器曰禮飾回增

美質有功曰伐故自美其功曰伐釋曰左莊二十八年且旌君伐注伐功也伐則不

益補則不改矣注自稱其美則無進益自遂其過則不改悔顏

子曰願無伐善孔子曰過而不改是謂過矣

釋曰盧學士文昭謂此句當作補則

不復矣亦誤解補字也

君子不先人以惡不疑人以不信注盧僕射云謂

不億不信不逆詐不說人之過注說述也謂不揚人之過

釋曰盧注

釋說為解說孔注謂彼有過者方畏人非議我從而為之辭說則彼將無意於改是成人之過矣元案此取義太深非曾子本

意也訓說為述義本釋名又案盧注四字元本無盧學士據程榮本增入

而成人之美注孔子曰君

子成人之美不成人之惡

釋曰羣書治要有而字今本皆無

存往者在來者注

盧僕射云在猶存也孔檢討云存在皆察也察人往行來行知

其過改否

釋曰存在訓察本爾雅

朝有過夕改則與之夕有過朝改則與

之君子義則有常善則有鄰注與許也有常無變更也盧僕射

云德不孤

釋曰與訓見漢書司馬遷傳注

見其一冀其二見其小冀其大苟有

德焉亦不求盈於人也注

孔檢討云雖冀人為善之心無窮然

其人止有小德一善者亦不責難求備君子不絕人之歡不盡

人之禮注曲禮曰君子不盡人之歡不竭人之忠以全交也來

者不豫往者不愼也注凡事豫則立不豫則廢今來者之事不

能豫立由於不知戒愼往事故孔子曰往者不悔來者不豫釋

孔子言見儒行戴校從方本改愼作噉非是去之不謗注去友不毀去國不怨就之

不賂注不以利交不以祿仕亦可謂忠矣注忠於君友即夫子

貫行忠恕之道君子恭而不難安而不舒遜而不諂寬而不縱

惠而不儉直而不徑亦可謂無私矣注難舒諂縱乃恭安遜寬

之過也尙儉者罕能惠也欲惠于人不能儉也徑如句股之弦

也釋曰周禮野廬氏掌縣之橫行徑踰者經亦有直義但路之

方正者必迂遠若如句股取弦之邪直爲經則速捷故鄭氏

注曰徑踰射邪趨疾越隄渠也各本皆作亦可謂知矣君子入舊校云知一作無私閣本作無私矣義長今從之